

6/1992 LEGEA, urriaren 16koa, Bingo Jokuaren gaineko Zergari eta zoripeco Jokuak egiteko bide ematen duten makinez eta gailu automatikoez baliatuz egiten diren jokuen gaineko Tasaren errekaruari buruzkoa dena.

ZIOEN ADIERAZPENA

Euskal Autonomi Elkartearen Autonomi Estatutuari buruzko abenduaren 18ko 3/1979 Lege Organikoan, Autonomi Elkarteko Osorako Erakundeen eta bertako Kondaira Lurraldeetako Foruzko Ihardutze Erakundeen arteko Harremani buruzko 27/1983 Legean eta Euskal Autonomi Elkarteko Ogasuntza Nagusia Antolatzen duten Printzipioei buruzko eta indarrean dauden lege-xedapenen bateratutako testua onartzen deneko 1/1988 Legegintza Dekretuan, honako hauetarako eskuduntza ematen zaio Euskal Autonomi Elkarteko Ogasuntza Nagusiari, hau da, bere zerga propioak jartzekoa, zergagarriak izan eta Estatuak kargatzen dituen ekintzei buruzkoak izan ez daitezeneren baldintzapean; eta bai itunepeko tributurik gehienen gaineko errekaragoak ezartzekoa ere. Bestalde, jokuaren gaineko tasak azkenengo hauen artean sartzen dira. Bai tributurak sortzea eta bai errekaragoak ezartzea ere lege bidez onartu behar dira.

Euskal Autonomi Elkartea horretan murgilduta dagoeneko Europako Ekonomi Elkartearen eta Estatuaren finantza eremuaren barruan, egunetik egunera argi eta garbiago ikusten da eta etengabeko bilakaera ematen ari da poliki-poliki ezarpen pertsonal eta artezkoari dagozkionetan eta, ondorioz, ezarpen modu hori indarra galtzen ari da etengabe. Eta, aldi berean, alderantzizko joera paraleloa ematen da zeharkako ezarpen bereziari dagozkionetan eta egunetik egunera gehiago hedatzen ari da. Lege hau onartzea eta Europako Ekonomi Elkarteko kide diren Estatuak ematen diren eskema fiskalak bat datoz elkarren artean. Lege honek ez du eraginik tributur-sistemako zerga tronkal bakar baten gainean ere. Lege honen bidez zeharkako ezarpenari ematen zaio indarra eta, bereziki, ihardun berezi bati, hau da, jokuari.

Europako Ekonomi Elkartean sartze-prozesuek sortzen duten aurrekontu politikak, Elkartearen ahalbide eta beharrei egokitzeko gastu publikoarekikoan maila jakin batzuri eustez gainera, ekonomiaren oinarrizko produkzio-sektoreetan kalterako eraginik izan gabe, aurrekontu-mentsari arrazoizko mugen barruan eusteko lagungarri izango diren diru-iturri berriak ezarri beharra eskatzen du.

Era berean, zerga-bilketa printzipioa eta tributur kudeaketaren kostea ahal den txikiena izan dadila bateratzeko ahaleginak egin dira, eta hori, egoera ekonomiko orokorraren gain eraginik sortu gabe.

Horiek horrela, honako hauek ezartzen dira Lege honen bidez: bingo jokuaren gaineko zerga eta zoripeco jokuak egiteko bide ematen duten makinez edo gailu automatikoez baliatuz praktikatzen diren jokuekiko tasaren gaineko errekaragoa hain zuzen.

I. ATALBURUA

BINGO JOKUAREN GAINEKO ZERGA

1. atala.– Zerdena, xedea eta aplikazio eremua.

Euskal Autonomi Elkartean joku moeta hau praktikatzeagatik ezartzen den zeharkako tributur bat da bingo jokuaren gaineko zerga.

2. atala.– Zergaren gai den ekintza.

Bingo jokuan parte hartzea da zergaren gai den ekintza.

3. atala.– Subjektu pasiboa.

1.– Bingo jokuan parte hartzeko xedez, kartoiak erosi ditzaten pertsonak dira zergapeko subjektu pasiboak.

2.– Bingo jokua ustiatzeko administrazio mailako baimenen titular diren pertsonak edo erakundeak edo, hala behar izan dadinean, jokua erakundeak edo erakundeak bere gain hartuta izan dezaten zerbitzu baltzuak dira zergapean hartuta dagoena ordezkatzeko duten subjektu pasiboak.

Administrazioaren onespenera edo ustiakuntzarako baimenik ez izanez gero, jokua antolatzen edo jokatzen dutenak joko dira zergapean hartuta dagoena ordezkatzeko duten subjektu pasibotzat.

Jokalekuetako nagusiak eta enpresariak zergaren zordunkide erantzukizundun izango dira.

4. atala.– Ordainketa.

Bingo jokua egiteko bide ematen duten kartoiak zergapeko subjektu pasiboek erosi ditzaten unean bertan egin beharko da zergaren ordainketa.

5. atala.– Oinarri zergagarria.

Erosketaren gai diren kartoiaren balio faziaren zenbatekoa da zergaren oinarri zergagarria.

6. atala.– Oinarri likidagarria.

Oinarri likidagarriak eta oinarri zergagarriak balio berdina dute.

7. artikulua.– Karga-tasa.

Zerga honen karga-tasa % 3,6koa izango da.

8. atala.– Likidazioa eta ordainketa.

Zorpekoaren ordezkotza egiten duen subjektu pasiboak, likidatu egin beharko du zerga eta emaitzako tributu-zorra eta bai bingo jokua erakundeak gainera ere ordainduko ditu aldi berean, hau itzuli dakioneko eskubidearen kaltetan gabe lege honetako 16. atalean ezartzen denaren arabera.

II. ATALBURUA

ZORRIPEKO JOKUAK EGITEKO BIDE EMATEN DUTEN MAKINEZ EDO GAILU AUTOMATIKOEZ BALIATUZ PRAKTIKATZEN DIREN JOKUEN GAINEN TASAREN ERREKARGOA

9. atala.– Zerdena eta aplikazio eremua.

Jokua egiteko bide ematen duten makinez edo gailu automatikoez baliatuz praktikatzeko diren jokuekiko tasaren gaineko errekarro bat ezartzen da Euskal Autonomi Elkartearen eremuan.

10. atala.– Ordainketa.

Zorripeko jokua egiteko bide ematen duten makinez edo gailu automatikoez baliatuz praktikatzeko diren jokuekiko tasaren ordainketa egiten den unean bertan egin beharko da errekarroaren ordainketa.

11. atala.– Subjektu pasiboa.

1.– Jokuaren gaineko tasaren ondorioetarako subjektu pasiboak diren pertsonak edo erakundeak eta, zehazki, zoripeco jokuak egiteko bide ematen duten makinez edo gailu automatikoez baliatuz praktikatzan den jokua ustiatzeko administrazio mailako baimenen titular diren pertsonak edo erakundeak dira errekaragoaren subjektu pasiboak.

2.– Instala daitezten lekuetako jabe eta enpresariak errekaragoaren zordunkide erantzukizundun izango dira.

12. atala.– Oinarri zergagarria.

Zoripeco jokuak egiteko bide ematen duten makinez edo gailu automatikoez baliatuz praktikatzen den jokuaren gaineko kuotaren zenbatekoa da errekaragoaren oinarri zergagarria.

13. artikulua.– Karga-tasa.

Karga-tasa % 12koa izango da.

14. atala.– Likidazioa eta ordainketa.

Subjektu pasiboak likidatu egin beharko du errekaragoa eta emaitzazko tributu-zorra eta bai bingo jokuaren gaineko tasa ere ordainduko ditu aldi berean, hau itzuli dakioneko eskubidearen kaltetan gabe lege honetako 16. atalean ezartzen denaren arabera.

III. ATALBURUA

XEDAPEN OROKORRAK

15. atala.– Kudeaketa.

1.– Eusko Jaurlaritzako Ogasun eta Finantza Sailari dagokio, bingo jokuaren gaineko zergaren eta zoripeco jokuak egiteko bide ematen duten makinez eta gailu automatikoez baliatuz egiten diren jokuen gaineko tasaren errekaragoaren kudeaketa, likidaketa, ikuskaketa, birrazterketa eta bilketa lanak burutzea.

2.– Eusko Jaurlaritzako Ogasun eta Finantza Sailak, Jaurlaritzaren Kontseiluaren baimena jaso ondoren, eta Foru Aldundi bakoitzak, aurreko apartaduan aipatu diren eskuduntzak Foru Aldundiek, bakoitzak bere Lurralde Historikoaren eremu barruan, erabili ditzatela itundu ahal izango dute, zerbitzuak egiteari buruz izenpetuko den hitzarmenean edo hitzarmenetan jaso dadin aginte-eremuaren eta edukiaren barruan. Lurralde Historiko bakoitzaren Aldizkari Ofizialean eta Euskal Herriko Agintaritzaren Aldizkarian argitaratuko dira hitzarmen horiek eta Euskal Herriko Agintaritzaren Aldizkarian argitara dadin egunetik hasita izango dute indarra.

16. atala.– Itzulpenak.

Bingo jokuaren gaineko zergaren zenbatekoa eta zoripeco jokuak egiteko bide ematen duten makinez edo gailu automatikoez baliatuz praktikatzan den jokuaren gaineko tasaren errekaragoa itzuli egingo dira, jokuaren gaineko tasei buruz indarrean dauden legeetan ezartzen denaren arabera eta hori bidezkoa izan dadin kasuetan.

17. atala.– Zehapenak.

Bingo jokuaren gaineko eta zoripeco jokuak egiteko bide ematen duten makinez edo gailu automatikoez baliatuz praktikatzan den jokuaren gaineko tasei buruz une bakoitzean indarrean dagoen zehapen erregimena aplikatuko da.

AZKEN XEDAPENAK

Lehenengoa.– Aurrekontu Orokorrei buruzko Legeari habilitazioa ematea.

Bingo jokuaren gaineko zergarekiko eta zoripeko jokuak egiteko bide ematen duten makinez edo gailu automatikoez baliatuz praktikatzen den jokuaren gaineko tasaren errekargoaren karga moetak, prozedura aldeak eta kudeaketa aldatu ahal izango dira Euskal Autonomi Elkartearen Aurrekontu Orokorrei buruzko legean.

Bigarrena.– Arauei habilitazioa ematea.

Lege honetan ezartzen direnak garatzeko eta betetzeko beharrezkotzat jotako xedapenak emateko esku ematen zaio Jaurlaritzaren Kontseiluari. Ogasun eta Finantza Sailburuaren proposamenez egin beharko da hori.

Hirugarrena.– Indarrean jartzea.

Lege hau 1993.eko urtarrilaren 1ean jarriko da indarrean.